



Temeljem člana 96. Zakona o igrama na sreću RS ("Sl. glasnik RS", br. 22/2019), društvo „PLUS MEDIA“ d.o.o. Banja Luka donosi slijedeća:

## Pravila SMS nagradne igre „VELIKA PIONIR NAGRADNA IGRA“

**Naziv, JIB i adresa sjedišta priređivača nagradne igre**  
Član 1.

"PLUS MEDIA" Društvo sa ograničenom odgovornošću za marketing Banja Luka (skraćeni naziv: „PLUS MEDIA“ d.o.o. Banja Luka), sa sjedištem u ulici Jovana Dučića br. 74a, I sprat, Banja Luka, JIB: 4402588680008, u ime i za račun društva "DUKAT" Društvo sa ograničenom odgovornošću za trgovinu Banja Luka (skraćeni naziv: D.O.O. "DUKAT" Banja Luka), sa sjedištem u Banja Luci, ulica Njegoševa 97, JIB: 4400842150003, je priređivač SMS nagradne igre „VELIKA PIONIR NAGRADNA IGRA“.

**Svrha priređivanja nagradne igre**  
Član 2.

Nagradna igra organizirana je radi promocije društva „Pionir“ d.o.o. te njegovih brendova.

Svrha nagradne igre je unaprijeđenje prodaje artikala koje proizvodi označeno društvo.

**Vrijeme trajanja nagradne igre**  
Član 3.

Nagradna igra traje u periodu od 20.11.2019.g. u 00.00 h do 19.12.2019. do 23.59 h, uključujući oba datuma (ukupno 30 dana).

**Naziv nagradne igre**  
Član 4.

Naziv nagradne igre je „VELIKA PIONIR NAGRADNA IGRA“.

**Fond nagrada**  
Član 5.

Fond nagrada iznosi ukupno 68 (slovima: šezdesetosam) nagrada, a sastoji se od:

### - 1x PUTNIČKI AUTOMOBIL - HYUNDAI I20

Dobitnik dobija putnički automobil marke HYUNDAI I20 u vrijednosti od 20.990,00KM (sa uključenim 17% PDV).

Automobil će biti preuzet u skladu sa članom 11. ovih Pravila.

### - 2x VAUČER ZA ZIMOVANJE NA ZLATIBORU, REPUBLIKA SRBIJA

Dobitnik dobija vaučer u vrijednosti od 1.362,01 KM (sa uključenim 17% PDV). Zimovanje u hotelu Grand Tornik 5\* na Zlatiboru za dvije odrasle osobe, 5 noći na bazi polupansiona, za dvoje djece do 6 godina gratis, uz mogućnost doplate za dodatne članove porodice.

Rok važenja vaučera je 6 mjeseci od momenta završetka nagradne igre, dok je vrijeme preuzimanja nagrada definisano članom 11. ovih Pravila. Vaučer se ne odnosi na period trajanja novogodišnjeg paketa.

### - 3x WELLNESS VIKEND HOTEL SLATINA VRNJAČKA BANJA, REPUBLIKA SRBIJA

Dobitnik dobija vaučer u vrijednosti od 429,67 KM (sa uključenim 17% PDV). Wellness vikend u hotelu Slatina 4\* za dvije odrasle osobe 2 noćenja na bazi polupansiona.

Rok važenja vaučera je 6 mjeseci od momenta završetka nagradne igre, dok je vrijeme preuzimanja nagrada definisano članom 11. ovih Pravila. Vaučer se ne može koristiti u sljedećim periodima: 28.12.2019.-02.01.2020, 14.02.2020.-17.02.2020, 17.04.2020.-20.04.2020, 01.05-03.05.2020.

### - 10 X ALFA PLAM ELEKTRIČNI ŠPORET S 140 55 13 G\*6-R - 12 X ALFA PLAM ELEKTRIČNI ASPIRATOR A K60B - 15 X ALFA PLAM REŠO ELEKTRIČNI\*STUDIO-1\*B - 25 X PIONIR PAKETA

**Pojedinačna vrijednost svake nagrade iz fonda nagrada**  
Član 6.

Tržišna vrijednost nagrada sa PDV-om iz člana 5. Pravila nagradne igre iznosi:

- Putnički Automobil HYUNDAI I20 = 20.990,00 KM  
- Vaučer za zimovanje u hotelu Grand Tornik 5\* na Zlatiboru = 1.362,01 KM  
- Wellness Weekend za dvije osobe u hotelu Slatina, Vrnjačka Banja = 429,67 KM  
- Alfa Plam električni šporet S 140 55 13 G\*6-R = 365,77 KM  
- Alfa Plam električni aspirator A K60B = 91,73 KM  
- Alfa Plam rešo ELEKTRIČNI\*STUDIO-1\*B = 48,16 KM  
- Pionir paket = 14,96KM  
Porezi će biti plaćeni u skladu sa odredbama 101-104. Zakona o igrama na sreću ("Sl. glasnik RS", br. 22/2019).

**Uslovi za učestvovanje u nagradnoj igri**  
Član 7.

U nagradnoj igri mogu učestvovati sve fizičke osobe sa stalnim prebivalištem u Republici Srpskoj, koji u periodu trajanja nagradne igre prilikom jedne kupovine kupe Pionirove proizvode u vrijednosti od 10,00 KM sa PDV (slovima: deset i 00/100 KM sa PDV) pri čemu svi proizvodi moraju biti označeni na jednom fiskalnom računu.

Maloljetni učesnik nagradne igre mora za učestvovanje dobiti saglasnost roditelja odnosno zakonskih zastupnika ili staratelja. Priređivač nagradne igre takvu će saglasnost provjeriti najkasnije prilikom dodjele nagrade.

U nagradnoj igri ne mogu sudjelovati zaposleni u "PLUS MEDIA" d.o.o. Banja Luka, D.O.O. "DUKAT" Banja Luka, "PIONIR COOP" d.o.o. Banja Luka i „ASCANIUS MEDIA“ d.o.o. ili članovi njihove uže porodice (roditelji, braćni i vanbraćni partneri, djeca, usvojenici, braća i sestre), kao i druge osobe koje na bilo koji način sudjeluju pri izvođenju nagradne igre. Svaki sudionik u nagradnoj igri može sudjelovati samo pod svojim imenom i prezimenom te sudjelovanjem u nagradnoj igri potvrđuje da su svi navedeni podaci isključivo njegovi osobni podaci te da se slaže s ovim pravilima.

**Pravila nagradne igre**  
Član 8.

Lice iz člana 7. mogu učestvovati u nagradnoj igri slanjem SMS poruke sa sadržajem: broj fiskalnog računa(RAZMAK)ime i prezime(RAZ-MAK)mjesto prebivališta, na obezbijedeni broj 091 212 408.

Učesnik je u obavezi da čuva fiskalni račun ili račune do izvlačenja. Ova obaveza za učesnike nagradne igre će im biti saopštena putem SMS poruke od strane telekom operatera nakon što se učesnik prijavi za učesće u nagradnoj igri. Potencijalni dobitnik će biti kontaktiran od strane SMS operatera da dostavi sliku računa da bi se provjerilo da li se kupljeni Pionir proizvodi u iznosu koji je definisan stavom 1. ovog člana nalaze na jednom računu. Ukoliko je račun ispravan, dobitnik će biti obaviješten koju nagradu je dobio.

Svi učesnici mogu neograničen broj puta poslati neograničeno mnogo različitih brojeva fiskalnih računa sa istog korisničkog broja. Jednom izvučen fiskalni broj računa kao i jednom izvučeni i potvrđeni dobitnik gubi pravo za dalje učestvovanje u nagradnoj igri.

Cijena SMS poruke iz stava 1. ovog člana ovih Pravila nagradne igre iznosi 0,20 KM bez PDV-a (0,234KM sa PDV-om).

**Postupak priređivanja i sprovođenja nagradne igre i izvlačenja nagrada**  
Član 9.

Izvlačenje će biti javno i provesti će se u sjedištu društva "ASCANIUS MEDIA" d.o.o. na adresi Mjednica 54, 71000 Sarajevo, putem random metode dana 20.12.2019. u 12,00 h. Izvlačenje dobitnika nagrada provodi Komisija za izvlačenje nagrada koju čine 3 (tri) člana i to:

1. Alma Kalenica, Regionalni Menadžer u D.O.O. "DUKAT" Banja Luka
2. Adis Delalić, Account planner u „ASCANIUS MEDIA“ d.o.o.
3. Ena Tafro, Account planner u „ASCANIUS MEDIA“ d.o.o.

Izvlačenje i izbor nagrađenih osoba bit će provedeni u prisutnosti komisije.

U postupku izvlačenja svaki učesnik može biti izvučen samo jedanput, iako je u nagradnoj igri sudjelovao s više poslanih brojeva fiskalnih računa.

**Način objavljivanja dobitnika nagrada**  
Član 10.

Dobitnici pojedinačnih nagrada bit će objavljeni do dana 12.01.2020.g. na web-stranici: www.Pionir.rs.

Priređivač će na web stranici www.Pionir.rs objaviti samo ime i prezime i mjesto prebivališta dobitnika bez navođenja tačne adrese, broja telefona, matičnog broja i bilo kojeg drugog ličnog podatka dobitnika na što dobitnici/učesnici pristaju samim učesćem u nagradnoj igri. Dobitnici su saglasni i pristaju da im se bez naknade, ime, fotografija, i snimljeni materijal neograničeno koristi u marketinške i promotivne svrhe priređivača i pravnog lica „Pionir“ d.o.o., putem svih medija. Priređivač može usmeno pozvati dobitnike da lično dođu na fotografisanje na adresu koja će biti dogovorena.

Po okončanju ove Nagradne igre, spisak svih dobitnika će biti objavljen u dnevnom novinama „Glas Srpske“ i to najkasnije do 12.01.2020.g.

**Rok za podizanje nagrada i način na koji učesnici nagradne igre dobijaju nagrade**  
Član 11.

Dobitnici pojedinačnih nagrada nakon provjerenih računa bit će obaviješteni SMS porukom ili putem telefonskog poziva o dobitku i to najkasnije u roku od 6 dana po završetku nagradne igre.

Za nagrade iz člana 5. ovih Pravila. prilikom preuzimanja nagrada, dobitnik je potrebno da se identifikuje ličnim dokumentom, kao i da donese na uvid sačuvani fiskalni račun, čiji je broj izvučen kao dobitnik. Dobitnik pojedinačne nagrade dužan je da, kada ga priređivač putem operatera kontaktira, dostavi podatke o adresi na koju želi da mu se nagrada isporuči. Dobitnik će nagradu dobiti na naznačenu adresu najkasnije 30 dana od dana kada je podatke o adresi ostavio operateru priređivača, osim putničkog automobila za koji će se nagrada preuzeti u auto salonu ili u dogovoru sa priređivačem nagradne igre.

Dobitnik automobila učesćem u nagradnoj igri prihvata da automobil bude označen obilježjima „Pionir“ d.o.o. godinu dana od dana preuzimanja nagrade, te je saglasan da prilikom preuzimanja nagrade potpiše ugovor na ovu okolnost.

Ako dobitnici nagrada ne preuzmu nagradu u roku od 5 dana priređivač će im uputiti usmenu obavijest da je nagradu moguće preuzeti u naredna 3 dana. Ukoliko dobitnik nagrade ne postupi u označenom roku, priređivač će mu uputiti drugu usmenu obavijest kojom će ga pozvati da nagradu preuzme u roku od 3 dana te da će se po isteku ovog roka smatrati da dobitnik ne želi preuzeti nagradu. U tom slučaju nagrada se neće dodijeliti, a Priređivač se oslobađa svih obveza prema dobitniku nagrade. Novčane isplate nagrada nisu moguće, a nagrade se dodjeljuju dobitniku.

Dobitnik nagrade ima pravo prilikom preuzimanja nagrade osvojeni dobitak prenijeti na treće lice. U slučaju prenosa dobitka na treće lice, dobitnik je obavezan priređivaču dostaviti Izjavu kojom označava sve podatke lica na koje se dobitak prenosi pri čemu Izjava treba sadržavati ovjeren potpis dobitnika.

Ako dobitnici nagrada ne navedu odnosno ne dostave svoje podatke ili ih navedu nepotpuno ili nepravilno i/ili ako ih ne bude moguće obavijestiti i/ili ako se utvrdi da nisu ispunili uslove za učestvovanje u nagradnoj igri i/ili da su prekršili ove uslove i/ili ako ne žele ispuniti obaveze u skladu s navedenim uslovima, sve to u roku koji određuje Priređivač, gube pravo na nagradu.

Priređivač također zadržava pravo da ne dodijeli nagrade ako se:

- pojavi sumnja u tačnost ličnih podataka dobitnika nagrade,
- utvrdi da je osoba u nagradnoj igri učestvovala kršeći Pravila,
- nagrada zbog pogrešno ispunjenih podataka od strane dobitnika nagrade se ne može dodijeliti.

Priređivač ne snosi nikakve troškove učesnika zbog učestvovanja u nagradnoj igri. Priređivač nagradne igre ne preuzima odgovornost u slučaju spora između učesnika u nagradnoj igri. Eventualni sporovi neće utjecati na pravila u skladu s kojima Priređivač nagradne igre dodjeljuje nagrade. Priređivač nije obavezan pismeno odgovarati na zahtjeve osoba koje nisu na vrijeme (u predviđenom roku) dostavile svoje osobne podatke.

**Dokaz o uplati naknade za priređivanje nagradne igre**  
Član 12.

Priređivač će dostaviti Republičkoj upravi za igre na sreću dokaz o izvršenoj uplati naknade za priređivanje nagradne igre u iznosu od 15% na osnovicu koju čini ukupna vrijednost svih primljenih uplata za učestvovanje u igri, najkasnije 15 dana od dana završetka nagradne igre.

**Nadležnost suda u slučaju spora između učesnika u igri i priređivača igre**  
Član 13.

Za kvalitetu i svojstva nagrada odgovoran je Priređivač.

U slučaju spora po bilo kojem osnovu u vezi predmetne nagradne igre, nadležan će biti Okružni privredni sud u Banja Luci.

**Uslovi pod kojim se nagradna igra može prekinuti**  
Član 14.

Nagradna igra može se prekinuti samo u slučaju izvanrednog događaja, o čime će sudionici biti obaviješteni putem SMS poruke ili na web-stranici Priređivača.

**Promjena pravila nagradne igre**  
Član 15.

Priređivač će u skladu sa odredbom čl. 96. stav 8. Zakona o igrama na sreću RS ("Sl. glasnik RS", br. 22/2019) najkasnije sedam dana prije otpočinjanja nagradne igre objaviti pravila nagradne igre u najmanje jednom dnevnom listu, dostupnom na teritoriji Republike Srpske.

Priređivač zadržava pravo na promjenu pravila uslijed tehničkih ili komercijalnih razloga ili razloga na strani javnosti uz prethodnu saglasnost Republičke uprave za igre na sreću, te provedbu zakonom propisane procedure. Priređivač će o svim promjenama i novostima nagradne igre učesnike obavještavati objavama na web-stranici www.Pionir.rs.

**Član 16.  
Zaštita ličnih podataka**

Priređivač se obavezuje da će čuvati tajnost dostavljenih ličnih podataka i da ih bez izričitog dopuštenja učesnika u nagradnoj igri neće pohranjivati, obrađivati, koristiti ni dostavljati trećim osobama.

Učesnici također dopuštaju uvid u svoje osobne podatke priređivaču nagradne igre ali samo u svrhu izvođenja nagradne igre. Učestvovanjem u nagradnoj igri svi sudionici izražavaju saglasnost s objavljivanjem imena i mjesta te prebivališta na web-stranici www.Pionir.rs.

Društva D.O.O. "DUKAT" Banja Luka, „Pionir“ d.o.o. i „PLUS MEDIA“ d.o.o. Banja Luka pažljivo će čuvati pribavljene osobne podatke i koristiti ih u skladu sa zakonom te samo u svrhu za koju su sakupljeni. Zaštita ličnih podataka osigurana je Zakonom o zaštiti ličnih podataka.

Banja Luka